



ՄԱՍՆԱՎՈՐ ՎԱՐԴԱՊԵՏԱԿԱՆ ԳԱՎԱԶԱՆԻ ԻԵՆԱՆՈՒԹՅԱՆ ՏՎԶՈՒԹՅՈՒՆ

Հոկտեմբերի 18-ին, շաբաթ օր, Մայր Աթոռում հոգևոր ուրախության և բերկրանքի տոն էր:

Վեհափառ Հայրապետի հոբելյանի երջանիկ առիթով, Մեծի Տանն Կիլիկիո ծերունազարդ Տեղապահ ամենապատիվ Տ. Խաչարքեպիսկոպոս Աջապահյանը, Կիլիկյան Աթոռի երիտասարդ և շնորհալի միաբան հոգեշնորհ Տ. Գևորգ արքեպիսկոպոս Կարապետյանին և հոգեշնորհ Տ. Զավեն արքեպիսկոպոս Արզումանյանին, և նոյեմբերի 8-ին՝ հոգեշնորհ Տ. Գյուտ արքեպիսկոպոս Նազդաշյանին, շնորհեց մասնավոր վարդապետական գավազանի իշխանություն, Մայր Աթոռի միաբանության, Հոգևոր Ճեմարանի ուսանողության և հավատացյալների ներկայության, երեկոյան ժամերգությունից հետո:

Շնորհաբաշխության այդ նվիրական օրերին ուրախության արցունք վար բոլորի, և մանավանդ գերաշնորհ Տ. Խաչարքեպիսկոպոսի աչքերում, այն խորունկ համոզմամբ, որ ամբապնդվում է Կիլիկյան օրինապահ միաբանությունը: Ավելի քան միսիթարական և քաջալերիչ էր այն հանգամանքը, որ չեն մեռել Կիլիկյան Աթոռի դարավոր ավանդությունները, նախանձախնդրությունը, հավատարմությունն ու նվիրման ոգին, արդարության և իրավունքի պաշտպանությունը: Կիլիկյան օրինապահ միաբանության երիտասարդ նոր սերնդի սրտերում, որոնք

կոչվել են ժառանգորդներ լինելու Կիլիկյան հայրապետների և մեծանուն վարդապետների սուրբ վաստակով ձեռք բերված հոգևոր արժեքների, ավանդների:

Խաչարքեպիսկոպոսի «Պահպանիչ»ով վերջանում է այս սրտառուլ արարողությունը: Ապա նա իր հայրական քաջալերական և խրատական խոսքն է ուղղում նորընծա վարդապետներին, որպեսզի նրանք միշտ պահեն զգալի օրինադրությանց հարցն մերոց՝ ողջամիտ վարդապետության մեջ ըստ Հայաստանեայց Եկեղեցւոյ:

Վեհափառ Հայրապետը հայրական գուրգուրանքով ընդունում է նորընծա վարդապետներին և իր սուրբ ձեռքով նրանց կուրծքը զարդարում վարդապետական լանջախաշով, հորդորելով, որ հպարտությամբ և արժանավորությամբ կրեն Տիրոջ խաչը, և հավատարմությամբ ու սիրով ծառայեն Եկեղեցիին, Ազգին ու Հայրենիքին:

Հանուն նորընծաների, երախտագիտության և շնորհակալության խոսք է ասում հոգեշնորհ Տ. Գևորգ վարդապետ Կարապետյանը:

«Եջմիածին» ամսագրի խմբագրությունը շնորհավորում է մեր նորընծա վարդապետներին, մաղթելով նրանց կարողություն և ուժ իրենց հետագա ազգային-եկեղեցական գործունեության ճանապարհին:

